



---

REPUBLIKA E SHQIPËRISË

AUTORITETI RRUGOR SHQIPTAR

# TERMA REFERENCE

MBIKQYRJE PUNIMESH PËR OBJEKTIN :  
“Ndërtim nyja T.E.G”

TIRANË 2020

## INFORMACION I PËRGJITHSHËM

Me fonde të buxhetit të shtetit për vitin 2020 dhe ne vazhdim janë parashikuar punime në objektin : “Ndërtim Nyja T.E.G”

Për këtë i kërkohet mbikqyrësit të punimeve të kësaj kontrate, të kryejë mbikqyrjen e punimeve të objektit, pas vlerësimit të projektit për fondin limit të llogaritur sipas Vendimit të Këshillit të Ministrave Nr 354, datë 11.05.2016 “*Për miratimin e manualit të tarifave për shërbime në planifikim territori, projektim, mbikqyrje dhe kolaudim*”

### OBJEKTIVI KRYESOR

Mbikqyrësi i punimeve për këtë objekt e ka për qëllim që pas kryerjes nga ana e tij të vlerësimit tekniko ekonomik të projekt zbatimit, të kontrollojë dhe të ndjekë mbarëvajtjen e gjithë procesit të zbatimit të punimeve në përputhje me projektin, kushtet teknike të zbatimit, specifikimet teknike si dhe destinacionin e objektit, duke patur parasysh afatin kohor të përcaktuar për kryerjen e punimeve, dhe anën ekonomike të këtij objekti.

### TË DHËNA MBI PROJEKTIN

Në aksin Tiranë - Elbasan do të ndërtohet një nënkalim nën rotondon, me katër korsi (dy për secilën anë të lëvizjes). Korsitë e lëvizjes do jenë me gjerësi 3.75m dhe do jenë për gjithë llojet e automjeteve.

Nëpërmjet kësaj rondoje do të vazhdojë të bëhet hyrje-dalja nga rruga Tiranë - Elbasan për në akset e Unazës së Madhe, Rruga e vjetër Tiranë - Elbasan, Rruga e Lagjes së Sipërme Sauk, dhe rruga e Farkës (TEG).

Ngritja e rotondos me 1.7m nga niveli aktual, ndikon fare pak në rrugët e tjera dhe rakordohet në një gjatësi rreth 40-50m. Korsitë e hyrje-daljes nga rotondo në drejtim të Tiranës do të jenë me gjerësi 7.5m dhe me dy vija kalimi nga 3.25m.

Korsitë e hyrje-daljes nga rotondo në drejtim të Elbasanit do të jenë me gjerësi 5.5m dhe me një vijë kalimi 4m.

Gjithashtu, në rrethrotullim në anën veriore të kryqëzimit, në drejtimin e lëvizjes Unazë e Madhe – Tiranë, është projektuar një korsi lëvizje e vecantë, e cila ruan lëvizjen e vazhduar në krahun e djathtë (pa hyrë në rrethrotullim).

Rruga Tiranë - Elbasan është projektuar të zgjerohet simetrikisht në të dy anët. Zgjerimi do të jetë përkatësisht, për pjesën Rotondo – Tiranë rreth 5m për anë dhe për pjesën Rotondo – Elbasan 3m për anë.

Parametrat gjeometrike që plotëson projekti janë:

- |  |           |
|--|-----------|
| • Kategoria e Rrugës                       | - A       |
| • Gjerësia e Kurorës                       | - 28.8m   |
| • Gjerësia e Karexhatës                    | - 2x11.9m |
| • Vija e kalimit                           | - 2x3.75m |
| • Korsi Emergjence                         | - 2x2.5m  |
| • Bankina                                  | - 2x1.5m  |
| • Gjerësia e Brezit ndarës (gjelbërimit)   | -1.8-2m   |
| • Gjerësia e Brezaze të gjelbërt (anësore) | - 2m      |



- |                            |                           |
|----------------------------|---------------------------|
| • Shpejtësia e Projektimit | - 80km/ore (zona fushore) |
| • Rrezja minimale          | - 300m (zona fushore)     |
| • Numri i Kthesave për Km  | - 4                       |
| • Pjerrësia Tërthore       | - 2.5-5%                  |
| • Pjerrësia Gjatësore      | - 5%                      |

## DETYRAT, PËRGJEGJËSITË DHE TË DREJTAT E MBIKQYRËSIT

Në realizimin e objektivave për zbatimin e punimeve të objektit: ”Ndërtim Nyja T.E.G”, mbikqyrësi menjëherë pas lidhjes së kontratës duhet:

- Të njihet në detaj me projekt zbatimin dhe specifikimet teknike të objektit,
- Të hartojë programin e kontrollit për zbatimin e projektit dhe cilësisë së punimeve në bazë të standarteve të përcaktuara me ligj.
- Të mbikqyrë Kontratën e zbatimit të punimeve në emër të Autoritetit Rrugor Shqiptar dhe të kryej të gjitha detyrimet e besuara atij sipas Kontratës së nënshkruar dhe sipas Ligjit Nr. 8402 date 10.09.1998, UKM Nr.3 dt.15-02 2001, UKM Nr.1 dt. 22.02.2005, UKM Nr 2 dt.13.5.2005, U.K.M nr.1 dt. 16.06.2011, VKM nr. 628 dt. 15.07.2015. Rregullat teknike të ndërtimit dhe projektimit të rrugëve“, VKM nr. 111 dt. 10.02.2016.
- Të bëj verifikimin e të gjithë dokumentacionit përkatës, të licencave, të autorizimeve dhe të lejeve, të cilat sipas dispozitave në fuqi duhet të merren para fillimit të punimeve.
- Të bëj verifikimin e sheshit të ndërtimit nëse është i lirë dhe i gatshëm për të filluar punimet.
- Të njihet mirë me kontratën e sipërmarësit dhe të gjitha akteve administrative që lidhen me të si dhe të njohë të gjitha ndryshimet e mundshme të kësaj kontrate me kalimin e kohës.
- Të kontrollojë vendosjen e tabelës së identifikimit të objektit
- Të marrë masat e duhura për sigurinë e objektit duke kontrolluar vendosjen në objekt të tabelave përkatëse sinjalizuese, treguese e të sigurisë, shiritave, fenerëve etj.
- Pas verifikimit të dokumentacionit duhet të dorëzojë pranë ARrSh-së të gjithë dokumentacionin si dhe shkresën për fillimin e punimeve ku përfshihen:
- Staf i Sipërmarësit
- Makineritë që do përdoren për ndërtimin e objektit.
- Para fillimit të punimeve verifikon të gjitha pajisjet dhe makineritë e sipërmarësit, për të parë nëse ato i përgjigjen kushteve të kontratës së nënshkruar.
- Të kontrolloj zbatimin e projektit duke u bazuar në projekt zbatimin dhe specifikimet teknike dhe të propozojë modifikimet, plotësimet dhe mospërputhjet nëse ka dhe ti rekomandojë ARrSh-se zgjidhjet konkrete.
- Të ndjekë në mënyrë të vazhdueshme e të kualifikuar të gjitha proceset e punimeve dhe dokumentacioneve që duhen të mbahen gjatë zbatimit të punimeve, miratimin e analizave të veçanta duke dhënë udhëzime porosi e urdhëra për zbatimin me perpikmëri e në kohë të projektit, të kushteve teknike të projektimit dhe zbatimit, të dispozitave përkatëse të kontratave.
- Të kontrolloj në mënyrë korrekte dhe të vazhdueshme piketimin e objektit.
- Të kontrollojë cdo material që vendoset në vepër, mënyrën e vendosjes së tij dhe cilësinë e tij.



- Për çdo punim të maskuar të bëjë fotografimin ose regjistrimin e tij dhe të mbaj proces - verbal të firmosur prej tij dhe sipërmarrësit.
- Në çdo fund dite pune të kontrollojë ditarin e punimeve dhe të firmosë atë.
- Të kontrollojë librin e masave i cili vërteton volumin e punimeve dhe ta miratojë atë.
- Të kontrollojë certifikatat e cilesisë së materialeve dhe të jap miratimin për vendosjen në objektin e tyre.
- Gjatë zbatimit të projektit, i jep instruksione me shkrim sipërmarrësit, sa herë që e sheh të nevojshme dhe sipërmarrësi është i detyruar t'i zbatojë ato. Ky i fundit ka të drejtë të bëjë me shkrim vërejtjet e tij lidhur me instruksionet dhe urdhërat e marrë.
- Për çdo rast, që gjatë zbatimit të punimeve lind nevoja e ndryshimeve në Projektin dhe Preventivin e parashikuar, Mbikqyrësi i Punimeve duhet t'i paraqesë ARrSh -së një relacion të plotë teknik (shoqëruar me skicat përkatëse) ku argumentohet ndryshimi. Ndryshimi në objekt (zbatimi i punimeve) do të bëhet vetëm pas miratimit nga ARrSh -ja.
- Në çdo fund muaji mbikqyrësi ka për detyrë të paraqesë pranë ARrSh -së raportet mujore të punimeve. Në këtë raport duhet të jepet një tablo e qartë e avancimit të punimeve dhe të pagesave të kryera. Realizimi i punimeve në vlefte dhe %, afati kohor realizimi i financimit.

***Mbikqyrësi duhet :***

A.- Të paraqesë pranë ARRSH-së stafin e tij mbikqyrës në përbërje të së cilit duhet të ketë:

1. ***Drejtuesin e projektit*** që duhet të jetë inxhinier ndertimi/transporti me eksperiencë pune në mbikqyrje i cili mban përgjegjësi për zbatimin e projektit sipas kushteve teknike të zbatimit, miratimin e volumeve të punimeve, çertifikatën e pagesës, mbajtjen, kontrollin dhe miratimin e gjithë dokumentacionit, miratimin e ndryshimeve të volumeve, korespondencën me ARrSh.
2. ***Konstruktorin*** që duhet të jetë inxhinier ndertimi me eksperiencë pune në këtë fushë.
3. ***Mbikqyrësin e materialeve*** që duhet të jetë inxhinier ndertimi me eksperiencë pune në këtë fushe i cili miraton materialet dhe cilesinë e tyre dhe ndjek e miraton cilesinë e punimeve.
4. ***Mbikqyrësin për punimet topografike*** që duhet të jetë inxhinier topograf me eksperiencë pune i cili kontrollon dhe miraton volumet, piketimet dhe kuotezimin e objektit.
5. ***Mbikqyrësin hidroteknik*** që duhet të jetë inxhinier hidroteknik me eksperiencë pune në këtë fushe.
6. ***Mbikqyrësin (gjeolog)***, duhet të jetë inxhinier gjeolog me eksperiencë pune i cili kontrollon punimet gjatë gërmimit .
7. ***Mbikqyrësin për mjedisin***, duhet të jetë inxhinier mjedisi me eksperiencë pune i cili kontrollon punimet e zbatimit të projektit.
8. ***Mbikqyrësin për sinjalistikën dhe sigurinë rrugore***, duhet të jetë inxhinier me licencën përkatëse.
9. ***Mbikqyrësin për punimet elektrike***, të jetë inxhinier elektrik me eksperiencë pune i cili kontrollon punimet e zbatimit të projektit.

Në bazë të volumit të punimeve dhe vleftës së kontratës drejtuesi i punimeve duhet të jetë rezident në objekt dhe stafi tjetër mbikqyrës mund të jetë rezident çdo ditë në objekt ose me kohë të pjesshme në funksion të specifikave të punës.

Mbikqyrësi i punimeve dhe stafi i tij kontraktin me ARrSh-ne, duke përcaktuar detyrimet e ndërsjellta, kushtet e punës, shperblimin dhe probleme të tjera, etj.

Mbikqyrësi vihet në dijeni nga ARrSh-ja për nënkontraktorët e mundshëm që zgjedh sipërmarrësi në përputhje me kontratën e nënshkruar.

Mbikqyrësi në fillim të punimeve në objekt merr kontakt me organet qeverisëse në juridiksionin e të cilit ndodhet zona ku kryhet ky objekt dhe informon për personat kryesor, përgjegjës për ndertimin e këtij objekti në përputhje me nenin 9, te ligjit Nr.8402, "Për kontrollin dhe disiplinimin e punimeve të ndërtimit" dt 10.09.1998.

## Raportimi

Gjatë zbatimit të punimeve Mbikqyrësi i punimeve duhet të dorëzojë çdo muaj Raportet Mujore të cilat duhet të përmbajnë:

- *Hyrje*
- *Informacion i përgjithshëm*
  - Të përgjithshme*
  - Qëllimi i punimeve*
  - Mbikqyrja e punimeve ndërtimore*
- *Personeli i siguruar nga Mbikqyrësi*
  - Stafi i nevojshëm në përputhje me kontratën e zbatimit të punimeve.*
  - Stafi aktual*
  - Kohëqëndrimi në objekt per secilin.*
- *Raportimi*
- *Kohëzgjatja e shërbimit të Mbikqyrjes*
- *Përshkrimi i Projektit*
  - Shtresat Rrugore*
  - Veprat e Artit etj.*
- *Organizimi i Sipërmarrësit*
  - Sipërmarrësi*
  - Stafi present*
  - Mjete dhe makineri*
  - Kohëqëndrimi në objekt*
- *Progresi Mujor*
- *Përshkrim të Punimeve që janë kryer gjatë muajit (sipas zërave dhe piketave)*
- *Fotografi të proceseve të punimeve të kryera*
- *Fotografi të punimeve të maskuara për çdo punim të padukshëm.*
- *Grafiku i ecurisë së punimeve*
  - a -*Të aprovuara*
  - b - *Të kryera*



- *Volumet Progressive të Punimeve Mujore*
  - a - Punimet e aprovuara*
  - b - Çertifikatat e cilesisë dhe Provat Laboratorike*
  - c - Libreza e Masave*
  - d - Punimet e kryera por të pa aprovuara*
  - e - Situacionet mujore*
  - f- Matjet topografike*
- *Korrespondenca*
  - a - Proces-Verbale*
  - b- Urdhra, Udhëzime, Njoftime*
  - c- Ndryshime në Projekt dhe Preventiv nëse ka (të aprovuara nga ARrSh-ja)*
- *Moti (kalendarik)*
- *Problemet që kanë dalë*
  - a- Teknike*
  - b- Sociale*
- *Raport mbi sigurinë në kantiër*
- *Masat për ruajtjen e mjedisit*
- *Konkluzione*

Shënim: Raporti Mujor dhe dokumentat duhet të paraqiten në gjuhën shqipe, në pesë kopje dhe tre kopje të dorëzohen në ARrSh pranë Drejtorisë së Ndërtimit dhe Mirëmbajtjes.

Raporti Mujor do t'i dorëzohet ARrSh-se brenda datës së caktuar në kontratë.

Konslulenti do të mbajë kontakte të vazhdueshme me ARrSh (Drejtorinë e Ndërtimit dhe Mirëmbajtjes dhe Drejtorinë e Planifikimit Strategjik dhe Operacioneve) dhe do t'i përgjigjet të gjitha kërkesave të saj.

### **MBIKQYRËSI MBAN PËRGJEGJËSI;**

Në fillim të punimeve mbikqyrësi mban dhe ka përgjegjësi për dokumentacionin e mëposhtem:

- Vendimin e KKT -së për sheshin e ndërtimit dhe lejën origjinale të ndërtimit.
- Projekt zbatimin e firmosur nga projektuesi dhe investitori sëbashku me specifikimet teknike
- Dokumentacionin topografik dhe gjeologo-inxhinierik të bazamentit ku do të kryhen punimet
- Realizimin e punimeve të objektit sipas projektit kushteve teknike të zbatimit në fuqi dhe specifikimeve teknike
- Saktësinë, vërtetësinë e dokumenteve volumet dhe cilësinë e punimeve të ndërtimit.
- Për realizimin pikë për pikë të kontratës së nënshkruar midis Sipërmarrësit dhe A.Rr.Sh-së e të gjitha fazave të zbatimit të punimeve, respektimit të afatit të dorëzimit si dhe të koston së objektit.
- Asnjë punim nuk do të mbulohet, maskohet apo betonohet pa miratimin e mbikqyrësit. Sipërmarrësi duhet të njoftojë mbikqyrësin kur është gati për t'u ekzaminuar prej tij.
- Ruajtjen e të gjithë dokumentacionit dhe korespondencën me Drejtorinë e Ndërtimit dhe Mirëmbajtjes urdhrat e ndryshme që ai ka dhënë gjatë zbatimit të kontratës, kundërshtitë



dhe kontradiktat e lindura gjatë punës, ndërprerjet e punimeve dhe shkaqet që i kane diktuar këto ndërprerje, relacionet teknike të kërkuara ose të paraqitura gjatë zbatimit si dhe të gjitha rrethanat e nevojshme për të dhënë kuadrin e plotë të të gjithë fazave të zbatimit të punimeve.

- Për dorëzimin e gjithë dokumentacionit që disponon në rast se gjatë zbatimit të kontratës kemi ndërrim të mbikqyrësit, i gjithë dokumentacioni dorëzohet me proces verbal ku shënohen dhe shkaqet e këtij ndërrimi.

#### **MBIKQYRËSI KA TË DREJTË:**

- Të kërkojë largimin nga puna të drejtuesit të kantierit ose të puntorëve të veçantë për mosbindje, paaftesi ose pakujdesi të rëndë.
- Të mos pranojë drejtues teknik, manovrator, punëtor n.q.s këta nuk plotësojnë kushtet për të kryer detyrën e caktuar.
- Të pezullojë punimet kur sheh se në objekt nuk janë marrë masat e duhura për të siguruar punimet dhe trafikun.
- Të mos lejojë vendosjen në vepër të materialeve që nuk plotësojnë kushtet e cilesisë dhe ti zëvendësojë ato me materiale të tjera nga sipërmarësi me shpenzimet e tij.
- Të kërkojë certifikatat e cilësisë së pajisjeve që kryejnë testet e materialeve.
- Të kërkojë dhe të jetë prezent në kryerjen e provave të materialeve, për të verifikuar cilësinë e tyre. Shpenzimet për këto prova janë në ngarkim të sipërmarësit.
- Të kërkojë për të gjitha makineritë që punojnë në vepër dokumentacionet teknike për të siguruar një ecuri punimesh të sigurt dhe cilesore.
- Të mos lejojë përdorimin e makinerive dhe pajisjeve të ndryshme n.q.s ato janë jashtë kushteve teknike.
- Në rast se materialet dhe pajisjet e përdorura nuk miratohen nga mbikqyrësi këto duhet të dokumentohen me procesverbalet e analizave të provave sëbashku me aktin teknik, ku të argumentohen shmangiet e palejuara referuar standarteve të percaktuara në specifikimet teknike të projekt zbatimit.
- Kur Mbikqyrësi i Punimeve mendon se ka demtime në konstruksion kërkon të bëhen verifikimet përkatëse. Kur verifikimet i japin të drejtë mbikqyrësit, shpenzimet janë në ngarkim të sipërmarësit. Në rast të kundërt, sipërmarësi ka të drejtë të kërkojë shlyerjen e shpenzimeve në rrugë kontraktuale.
- Mbikqyrësi i punimeve urdhëron Sipërmarësin të prishë dhe të ribëjë me shpenzimet e tij, punime të bëra jo me cilësinë e parashikuar në Projekt dhe Specifikimet Teknike.
- Mbikqyrësi i punimeve ka të drejtë të pezullojë përkohësisht punimet, për ekzekutim teknik të gabuar ose paaftesi teknike zbatimi, për çdo rast me miratimin e ARrSh-së për aq kohë sa ai e konsideron të arsyeshme. Në këtë rast sipas shkakut, mbikqyrësi së bashku me ARrSh-në dhe sipërmarësin përcaktojnë zgjatjen ose jo të afatit dhe ndryshimin e shpenzimeve.
- Të kontrollojë dhe autorizojë përdorimin e fondit rezervë të preventivuar dhe i raporton periodikisht ARrSh-së për gjëndjen e tij.
- Për çdo ndryshim të mundshëm mbikqyrësi i punimeve vihet në dijeni për të ndjekur zbatimin e ndryshimeve në fjalë.



### ***Në përfundim të punimeve mbikqyrësi:***

- Merr me shkrim njoftimin për përfundimin e punimeve dhe vërteton në proces verbal datën e përfundimit të tyre sipas projektit, të ndryshimeve të urdhëruara e të kushteve të kontratës dhe brenda 30 ditëve merr prej sipërmarrësit dokumentacionin përkatës .
- Duke u mbështetur në Ligjin 8402 dt 10.09.1998 UKM Nr 2 datë 13.5.2005 dhe UKM Nr 3 date 15.02.2001 dorëzon pranë ARrSh -së (Drejtorisë së Ndërtimit dhe Mirëmbajtjes, Sektorit të Sigurimit Cilesisë ) të gjithë dokumentacionin përkatës për të cilin mban përgjegjësi të plotë në plotësimin , saktësinë, vërtetësinë e tij.

### **Ky dokumentacion duhet të përmbajë:**

- Proces verbal i dorëzimit të sheshit të ndërtimit.
- Proces verbal për fillimin e punimeve.
- Kontratën e sipërmarrësit
- Kontratën e mbikqyrjes
- Projekt organizimi i punimeve.
- Projektin
- Projektin e ndryshuar (nëse ka) shoqëruar me korespondencën skicat përkatëse dhe miratimet e nevojshme.
- Preventivin fitues
- Preventivin e ndryshuar (nëse ka zërat të rinj të punimeve negocimin e tyre).
- Grafiku i punimeve
- Specifikimet teknike
- Axhornimi para fillimit të punimeve dhe piketimi.
- Dokumentacioni topografik dhe gjeologo inxhinjerik për (ndërtim rrëshqitje).
- Dokumentacioni fotografik apo video regjistruesi për punimet e padukshme.
- Proces-verbalet e çdo punimi të maskuar të firmosur nga drejtuesi teknik dhe mbikqyrësi të shoqëruar me fotografi.
- Ditari i objektit ku të pasqyrohen dhe ndryshimet e urdhëruara nga mbikqyrësi.
- Libreza e masave.
- Shkresën e mbikqyrësit për investitorin ku raporton përdorimin e fondit rezerve i shoqëruar me dokumentacionin përkatës.
- Proces verbal i përdorimit të fondit rezervë të firmosur nga Sipërmarrësi (drejtuesi teknik) dhe mbikqyrësi
- Preventivi i fondit rezervë të firmosur nga sipërmarrësi (drejtuesi teknik) dhe mbikqyrësi
- Situacion i fondit rezerve të firmosur nga Sipërmarrësi (drejtuesi teknik) dhe mbikqyrësi
- Çertifikatat e cilësisë së materialeve.
- Miratim i materialeve të përdorura nga mbikqyrësi.
- Situacionet pjesore dhe atë përfundimtar.
- Regjistri i kontabilitetit.
- Deklarata teknike e sipërmarrësit e firmosur nga sipërmarrësi dhe drejtuesi teknik.
- Njoftimi i sipërmarrësit për përfundimin e punimeve.
- Proces verbal i përfundimit të punimeve të firmosur nga sipërmarrësi dhe mbikqyrësi sëbashku me matjet faktike të objektit të ndërtuar.





- Relacionin përfundimtar i mbikqyrësit

I gjithë dokumentacioni duhet të ketë miratimin e tij. Ky dokumentacion është në 3 (tre) kopje. Një kopje e të gjithë dokumentacionit dorëzohet pranë grupit të kolaudimit që ngrihet me urdhër nga ARrSh brenda 30 ditëve nga përfundimi i objektit. Të gjithë dokumentat që i dorëzohen grupit të kolaudimit pranë ARrSh -së duhet të jenë origjinale.

Mbikqyrësi i Punimeve merr pjesë në Kolaudimin e objektit dhe i përgjigjet Grupit të Kolaudimit për të gjithë dokumentacionin e nevojshëm gjatë kolaudimit të objektit dhe nënshkruan aktin përkatës. Pas përfundimit të kolaudimit mbikqyrësi i punimeve mbështetur në kontratën dhe në dokumentacionin tjetër, përcakton vlerën përfundimtare të objektit e cila i bëhet e ditur sipërmarrësit dhe i jepet për të likuiduar ARrSh-së.

## **KOHËZGJATJA E SHËRBIMIT TË MBIKQYRJES**

Kohëzgjatja e shërbimit të mbikqyrjes do të jetë për gjithë periudhën e zbatimit të punimeve.

## **TË DREJTAT E A.RR.SH-së**

ARrSh-ja ka të drejtë të kërkojë largimin e mbikqyrësit kur vërteton mangësi serioze në veprimtarinë e tij si:

- Mangësi në plotësimin e detyrave të percaktuara.
- Ndërprerje e paarsyeshme e punimeve dhe zgjatje e theksuar e tyre.
- Mangësi kontrolli në kosto e kontabilitet. Tolerim i materialeve me vlera mbi ato të preventivuar, tolerim të materialeve jashtë cilesisë së kërkuar, tolerim të punimeve jo me cilesinë e kërkuar, tolerim të pajisjeve jashtë kushteve teknike.

Kur vërehen shkelje të rënda të dispozitave ligjore, ARrSh-ja ka të drejtë të urdherojë mbikqyrësin e punimeve për ndërprerjen e punës deri në marrjen e masave përkatëse për normalizimin e gjëndjes. Kur shkeljet e dispozitave ligjore mund të përbëjnë kundërvajtje administrative, vendosen sanksione në bazë të neneve 15 dhe 16 të kreut III të ligjit Nr 8402 dt 10.09.1998 "Për kontrollin dhe disiplinimin e punimeve të ndërtimit"

## **MENYRA E DHËNIES SË OFERTËS**

Oferta jepet në vlefte totale e zbërthyer në shpenzime për muaj - njeri (sipas preventivit bashkangjitur) dhe shpenzime të tjera të nevojshme për t'u kryer.

## **MENYRA E PAGESËS**

Pagesa do të bëhet mujore, në bazë të % së realizimit të punimeve të zbatimit e zbërthyer sipas shpenzimeve muaj- njeri.



**PREVENTIV**  
**MBIKQYRJE PUNIMESH**  
**Objekti: “Ndërtim rruga Nyja TEG”**

Vlera e kontratës

lekë (me TVSH)

Kodi	Emertimi	Njesia	SHPENZIMET		
			Sasia	Çmimi	Vlefte
	<b>Stafi</b>				
	Drejtore projekti inxh ndertimi/transport	Staf / muaj	(100%)		
	Konstruktore	Staf / muaj	(80%)		
	Inxhinier materiali	Staf / muaj	(80%)		
	Inxhinier topograf	Staf / muaj	(100%)		
	Inxhinier gjeolog	Staf / muaj	(40 %)		
	Inxhinier hidroteknik	Staf / muaj	(80 %)		
	Inxhinier mjedisi	Staf / muaj	(50 %)		
	Inxhinier sigurie rrugore	Staf / muaj	(20%)		
	Inxhinier elektrik	Staf / muaj	(30%)		
	<b>Shuma 1</b>				
	<b>Shpenzime</b>				
	Shpenzime të ndryshme	Lump sum			
	Paisje , materiale etj	Lump sum			
	<b>Shuma 2</b>				
<b>TOTALI</b>					

MBIKQYRESI I PUNIMEVE

“ \_\_\_\_\_ ”

